

հրամանատարը նրան եւս աքսորում է Շուշուց :

Ընթերցողը պարզ տեսնում է, թէ որ աստիճան անդլիական հրամանատարները (Բագուի եւ Շուշուայ) պաշտպանում են եղել Ազերբէյջանի շահերը : Նրանք ամէն կերպ աշխատել են Ղարաբաղ-Չանդեղուրը ենթարկել Ազերբէյջանին : Բայց միշտ էլ անյաջողութեան են մատնուել նրանց բոլոր ծրագրերները :

Քաղաքի դրուժինը քանի դնում ծանրանում ու վատթարանում էր :

Այն, որ Սուլթանովը չէր մտածում ու չէր համարձակում անելու, Շուշուայ անդլ. հրամանատարի թելադրութեամբ արւում էր : Միւս կողմից էլ Սոկրատ Բէկի դրզմամբ, Ղարաղըշլաղի զաղթականութեան մի մասը անկարգութիւններ էր առաջ բերում քաղաքում :

Երբ Շուշուայ Ազգային Խորհրդի պատուիրակութիւնը հասնում է Բագու, բանակցութեան մէջ է մտնում Բագուի անդլ. հրամանատարի հետ : Անդլ. հրամանատարը, անշուշտ Ազերբէյջանի կառավարութեան կարծիքը վազօրօք իմանալուց յետոյ, ցանկութիւն է յայտնում անձամբ տեսնուելու Ղարաբաղի հայ ժողովրդի ներկայացուցիչների հետ : Այդ պատճառով էլ պատուիրակութեան միջոցով յայտնում է Շուշուայ Ազգ. Խորհրդին, որ նոր համազումար հրաւիրուի :

Շուշուայ Ազգ. Խորհուրդը Ապրիլ 23-ին հինգերորդ համազումարն է հրաւիրում Շուշուում :

Հինգերորդ համազումարի մէկ նիստին ներկայ են լինում՝ անդլիական հրամանատարութեան կողմից՝ Զօրավար Շատիլուորդը, իսկ Ազերբէյջանի կառավարութեան կողմից՝ Սուլթանովը :

Երկուսն էլ երկար խօսում են. Շատիլուորդը անդլիերէն, որը եւ թարգմանում է իսկ Սուլթանովը Կովկասի թուրքերէնով եւ ամէն կերպ աշխատում են համոզել հայ պատգամաւորներին, որպէսզի ընդունին Ազերբէյջանի ժամանակաւոր իշխանութիւնը : Սակայն համազումարի պատգամաւորները ուժեղ կերպով պատասխանում են երկու հոգուն եւ շեշտում, որ Ղարաբաղը, աշխարհազրականօրէն, ազգագրականօրէն եւ պատմականօրէն Հայաս-

տանի անրաժան մասն է եւ թէկուզ ժամանակաւորապէս Ազերբէյջանին ենթարկուելու խօսք կարող չի լինել :

Այս բոլորից յետոյ, համազումարը հետեւայ քանաձեւն է հանում.—

« Ղարաբաղի Ծրդ. համազումարը, կանգնած լինելով Էրդ. համազումարի քաղաքական որոշման տեսակէտի վրայ, վերջին անգամ պարզորոշ կերպով յայտարարում է, որ հինգերորդ համազումարը չի կարող ընդունել Ազերբէյջանի թէկուզ ժամանակաւոր իշխանութիւնը եւ ան իր բախար ընդմիշտ կապել է Հայաստանի կառավարութեան հետ » :

Անդլիական միսիան, տեսնելով որ իր գծած ծրագրով չի կարողանում, թէկուզ ժամանակաւորապէս, ենթարկել տալ Ղարաբաղի հայութեանը Ազերբէյջանի կառավարութեան, Սուլթանովին դաղտնի կերպով թելադրում է զինուորական ուժով մտնել Շուշուայ հայկական թաղը եւ զրաւել ուսուներկց մնացած զօրանոցը, որտեղ զինուորական շտաբի վաշտն էր ապրում :

Մայիսի վերջերին, Շուշուայ թաթարները սկսում են նորոգել հայ-թրքական կռիւններից մնացած իրենց դիրքերը :

Հայերն էլ տեսնելով որ հարեւան թաթարները կռուի պատրաստութիւնների մէջ են, իրենք էլ իրենց դիրքերն են նորոգում եւ մի տեսակ լարուած դրութիւն է ստեղծում :

Հայերը երբեք տրամադիր չէին որեւէ ընդհարում առաջ բերելու եւ ամէն կերպ աշխատում էին խաղաղ ճանապարհով Ղարաբաղի հարցը պաշտպանել, մինչեւ որ վերջնականապէս երկու ժողովուրդների համաձայնութեամբ, խաղաղ խորհրդաժողովներում կ'որոշուի :

Իսկ Ազերբէյջանի կառավարութիւնը, յանձինս անդլիական մանուածապատ քաղաքականութեան, ընդհակառակն էր անում, ամէն կերպ աշխատում էր երկու ժողովրդին լարել իրար դէմ եւ կռիւններ առաջ բերել :

Նոյն օրերին, Սուլթանովը ձեւականութեան համար դիմում է Ազգային Խորհրդին եւ առաջարկում է զօրանոցը դատարկել եւ յանձնել իրեն. բայց Ազգային Խորհուրդը մերժում է այդ դիմումը, պատճառաբանելով որ զօրա-